

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 20 NOVEMBER 2013, PUKUL 10.00 PAGI**

**Bil. 42**

---

**PERTANYAAN-PERTANYAAN BAGI JAWAB LISAN**

1. PR-1313-L58610  
**Datuk Dr. Makin @ Marcus Mojigoh [ Putatan ]** minta **MENTERI DALAM NEGERI** menyatakan adakah Kerajaan sedar bahawa pengeluaran kad pengenalan kepada warga asing masih berleluasa sehingga kini, sebagaimana keterangan Supritendant Mohd. Azman Mohd. Sapri dalam keterangan beliau dalam Suruhanjaya Siasatan Diraja Mengenai Isu Pendatang Tanpa Izin di Sabah.
2. PR-1313-L58315  
**Tuan Idris bin Haji Ahmad [ Bukit Gantang ]** minta **PERDANA MENTERI** menyatakan berapakah bilangan kakitangan Kerajaan yang dibuang kerja dan diambil tindakan tatatertib kerana terlibat di dalam kegiatan politik.
3. PR-1313-L57671  
**Dato' Haji Irmohizam bin Haji Ibrahim [ Kuala Selangor ]** minta **MENTERI BELIA DAN SUKAN** menyatakan:-
  - (a) adakah kursus-kursus kemahiran yang ditawarkan di IKBN mampu melahirkan pelajar yang mempunyai kemahiran dan kebolehpasaran yang tinggi seiringan dengan institut kemahiran yang lain; dan
  - (b) apakah langkah ataupun tindakan yang dilakukan oleh pihak Kementerian bagi menarik minat generasi muda untuk sentiasa aktif mengikuti program yang dijalankan oleh pihak Kementerian.
4. PR-1313-L59081  
**Tuan Haji Nasrudin bin Hassan [ Temerloh ]** minta **MENTERI PENDIDIKAN** menyatakan statistik kesalahan plagiat di universiti-universiti dalam negara.
5. PR-1313-L58195  
**Datuk Madius Tangau [ Tuaran ]** minta **PERDANA MENTERI** menyatakan dari segi perancangan Unit Perancang Ekonomi (EPU) berapa lagikah peruntukan yang diperlukan dan tahun berapakah kesemua jalan-jalan di bawah kawal seliaan JKR Negeri Sabah dapat diturap sepenuhnya.

6. PR-1313-L57644  
**Tuan Sim Chee Keong [ Bukit Mertajam ]** minta **PERDANA MENTERI** menyatakan lebih lanjut tentang fungsi Deklarasi Integriti Perniagaan (Declaration of Business Integrity). Adakah Kerajaan bercadang untuk melaksanakan saranan TI-M melarang parti politik daripada memiliki atau terlibat secara langsung atau tidak langsung dengan perniagaan, jika ya bila, jika tidak, mengapa.
7. PR-1313-L57677  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI KEMAJUAN LUAR BANDAR DAN WILAYAH** menyatakan berapa keluasan Ladang Sawit di bawah FELCRA telah diwujudkan di Sarawak setakat ini.
8. PR-1313-L57403  
**Tuan Wong Chen [ Kelana Jaya ]** minta **PERDANA MENTERI** menyatakan:-
  - (a) status rundingan dengan Kerajaan Singapura berhubung dengan tren laju KL-Singapura; dan
  - (b) apakah peratusan kos pembinaan yang akan ditanggung oleh Singapura.
9. PR-1313-L58108  
**Dato' Ir. Haji Nawawi bin Ahmad [ Langkawi ]** minta **MENTERI PERDAGANGAN ANTARABANGSA DAN INDUSTRI** menyatakan apakah status kajian kereta elektrik yang akan dihasilkan oleh PROTON.
10. PR-1313-L57280  
**Dr. Lee Boon Chye [ Gopeng ]** minta **MENTERI DALAM NEGERI** menyatakan bilangan tahanan mengikut kaum di bawah operasi Ops-Cantas pada tahun 2013.
11. PR-1313-L58941  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KERJA RAYA** menyatakan pelan strategik dalam penyediaan tenaga mahir (vokasional) tempatan untuk keperluan industri pembinaan supaya tidak dikuasai oleh pekerja asing.
12. PR-1313-L57837  
**Tuan Liew Chin Tong [ Kluang ]** minta **PERDANA MENTERI** menyatakan bilakah Mid-Term Review Rancangan Malaysia ke-10 akan diadakan dan adakah Rancangan Malaysia ke-10 tidak lagi diberikan tumpuan yang sama dengan RMK-RMK yang sebelumnya.
13. PR-1313-L57955  
**Dato' Haji Abdul Rahman bin Haji Mohamad [ Lipis ]** minta **MENTERI KEWANGAN** menyatakan langkah Kerajaan dalam mengatasi masalah penjualan rokok haram yang semakin berleluasa di mana harga pasaran bagi rokok-rokok haram ini dilihat lebih murah dan menarik minat perokok untuk membeli yang berkemungkinan besar boleh menjejaskan hasil dan pendapatan negara.

14. PR-1313-L58393  
**Tuan Su Keong Siong [ Ipoh Timor ]** minta **MENTERI DALAM NEGERI** menyatakan berapa ramai orang yang telah disiasat di bawah Akta Hasutan 1948 sejak Pilihan Raya Umum Ke-13 dan nyatakan hasil siasatan tersebut.
15. PR-1313-L58160  
**Dato' Seri Reezal Merican bin Naina Merican [ Kepala Batas ]** minta **PERDANA MENTERI** menyatakan pencapaian INVESTKL setakat Oktober 2013 ini. Mohon dinyatakan jumlah syarikat/amaun pelaburan yang telah berjaya dibawa masuk sejak daripada tarikh penubuhannya.
16. PR-1313-L58251  
**Tuan Tan Kok Wai [ Cheras ]** minta **MENTERI DALAM NEGERI** menyatakan 10 daerah polis yang mencatatkan kadar kes jenayah paling tinggi dalam negara dan nyatakan jenis-jenis jenayah dan jumlah kes mengikut susunan tahun 2011, 2012 sehingga bulan September 2013. Nyatakan juga kadar indeks jenayah secara khusus mengikut kawasan daerah di Kuala Lumpur bagi bulan Jun, Julai, Ogos dan September 2013.
17. PR-1313-L57605  
**Tuan Haji Mohd Fasih bin Haji Mohd Fakeh [ Sabak Bernam ]** minta **MENTERI PENDIDIKAN** menyatakan langkah-langkah Kementerian bagi memastikan guru mata pelajaran Bahasa Inggeris benar-benar layak dan berkebolehan bagi mengajar dan membantu pelajar meningkatkan penguasaan Bahasa Inggeris.
18. PR-1313-L58495  
**Tuan Teo Kok Seong [ Rasah ]** minta **MENTERI PERDAGANGAN ANTARABANGSA DAN INDUSTRI** menyatakan secara terperinci sebab pihak Kerajaan cuma menjaga kepentingan syarikat kereta nasional tetapi mengabaikan kepentingan rakyat yang sepatutnya mampu memiliki kereta import seperti Honda, Toyota dan Nissan yang harganya lebih murah dan berkualiti jika ia tidak dikenakan cukai yang tinggi.
19. PR-1313-L58085  
**Datuk Haji Abdul Azeez bin Abdul Rahim [ Baling ]** minta **MENTERI BELIA DAN SUKAN** menyatakan langkah-langkah yang diambil bagi membantu golongan belia khususnya di luar bandar untuk menceburi sektor pekerjaan yang memerlukan kemahiran.
20. PR-1313-L58663  
**Puan Teo Nie Ching [ Kulai ]** minta **MENTERI KERJA RAYA** menyatakan sebab keruntuhan siling yang berlaku di Hospital Serdang sebanyak 3 kali sejak 2011 serta langkah-langkah yang diambil untuk mengelakkan perkara yang sama berulang.
21. PR-1313-L57830  
**Datuk Nur Jazlan bin Mohamed [ Pulai ]** minta **MENTERI KOMUNIKASI DAN MULTIMEDIA** menyatakan mengenai langkah Kementerian dalam menangani keselamatan siber di negara ini, mengumpul dan menguruskan 'big data' seperti yang digunakan oleh syarikat luar negara seperti Google dan Facebook.

22. PR-1313-L58360  
**Tuan Haji Khalid bin Abdul Samad [ Shah Alam ]** minta **MENTERI DALAM NEGERI** menyatakan peratus kadar jenayah dan jenis jenayah mengikut tahun bermula daripada 2008 hingga 2013 dan apakah usaha-usaha Kerajaan bagi mengurangkan kadar jenayah.
23. PR-1313-L59102  
**Ir. Shaharuddin bin Ismail [ Kangar ]** minta **MENTERI PENDIDIKAN** menyatakan untuk menimbang semula penempatan guru pelatih di IPGM seluruh negara yang sekarang dibuat secara automatik dan bukannya menggunakan sistem terbuka (*open market*) seperti dahulu.
24. PR-1313-L57316  
**Tuan William Leong Jee Keen [ Selayang ]** minta **MENTERI DALAM NEGERI** menyatakan langkah-langkah yang akan diambil untuk mengawal senjata api yang begitu senang didapati untuk melakukan jenayah baru-baru ini.
25. PR-1313-L57570  
**Datuk Hajah Norah binti Abd Rahman [ Tanjong Manis ]** minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan dapat memberi pertimbangan bantuan khas sambungan bekalan elektrik untuk rumah-rumah atau rumah panjang di mana terdapat Orang Kurang Upaya (OKU) atau orang sakit yang amat memerlukan jana kuasa elektrik untuk mesin-mesin perubatan mereka.
26. PR-1313-L57223  
**Dato' Mansor bin Othman [ Nibong Tebal ]** minta **MENTERI PERTANIAN DAN INDUSTRI ASAS TANI** menyatakan senarai jumlah pinjaman yang telah disalurkan oleh TEKUN Nasional sehingga kini mengikut negeri dan berapakah peratus bayaran balik yang tertunggak.
27. PR-1313-L57998  
**Puan Rubiah binti Haji Wang [ Kota Samarahan ]** minta **MENTERI PELANCONGAN DAN KEBUDAYAAN** menyatakan:-
- (a) statistik bilangan pengusaha industri "*homestay*" di Sarawak; dan
  - (b) apakah usaha Kementerian untuk menggalakan industri ini berkembang khususnya bagi membantu meningkatkan ekonomi dan sektor pelancongan luar bandar.
28. PR-1313-L57185  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan apakah pindaan akan dilakukan semula terhadap kontraktor "*labour*" kepada sub kontraktor "*labour*" semula agar nasib pekerja tidak teraniaya.

29. PR-1313-L58247  
**Dr. Noor Azmi bin Ghazali [ Bagan Serai ]** minta **MENTERI KESIHATAN** menyatakan apabila gaya hidup rakyat berubah disebabkan peningkatan pendapatan hasil kejayaan Transformasi ekonomi akan akhirnya juga meningkatkan penyakit tidak berjangkit (NCD). Bagaimanakah Kerajaan akan menangani masalah ini.
30. PR-1313-L57631  
**Tuan Gobind Singh Deo [ Puchong ]** minta **MENTERI KERJA RAYA** menyatakan sama ada Kementerian mempunyai statistik pengguna kenderaan di Taman Pinggiran Putra, Taman Equine, Taman Lestari Perdana, Taman Lestari Permai dan kawasan Seri Kembangan dan sama ada Kementerian akan menaik taraf persimpangan Lebuhraya Damansara-Puchong (LDP) ke Jalan Putra Permai (B16) yang tidak dapat menampung bilangan kenderaan yang menggunakan persimpangan tersebut.
31. PR-1313-L59049  
**Dato' Shamsul Anuar bin Haji Nasarah [ Lenggong ]** minta **MENTERI KERJA RAYA** menyatakan:-
- (a) tahap keselamatan bangunan-bangunan dalam negara ini terutama di Kuala Lumpur jika berlaku bencana besar seperti gempa bumi; dan
  - (b) apakah usaha Kementerian memastikan keselamatan rakyat terjamin.
32. PR-1313-L58965  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI PENDIDIKAN** menyatakan perkembangan terkini cadangan pelaksanaan J-QAF di peringkat sekolah menengah.
33. PR-1313-L57926  
**Datuk Wira Haji Ahmad bin Hamzah [ Jasin ]** minta **MENTERI KEWANGAN** menyatakan bagaimana Malaysia boleh mengeksploitasi senario pasaran yang kondusif, aliran mudah tunai serta kelebihan sebagai hub pasaran Kewangan Islam dalam usaha mengekalkan Malaysia sebagai peneraju sukuk global.
34. PR-1313-L57686  
**Dato' Ngeh Koo Ham [ Beruas ]** minta **PERDANA MENTERI** menyatakan apakah tindakan yang akan diambil terhadap mereka yang menangkap dan menahan secara salah mereka yang beragama Islam berfahaman Syiah kerana tindakan mereka melanggar Perkara 11 Perlembagaan Persekutuan.
35. PR-1313-L58482  
**Tuan Ahmad Baihaki bin Atiqullah [ Kubang Kerian ]** minta **MENTERI KEWANGAN** menyatakan alasan yang dikemukakan oleh Kerajaan untuk menaikkan harga minyak adalah untuk menjimatkan wang negara bagi menyediakan kemudahan pengangkutan awam yang berkualiti. Berapa banyak kemudahan yang telah disediakan di negeri Kelantan hasil daripada penjimatan tersebut semenjak tahun 2008.

36. PR-1313-L58723  
**Tuan Lim Lip Eng [ Segambut ]** minta **MENTERI KESIHATAN** menyatakan definisi obesiti mengikut umur dan sama ada Kerajaan berhasrat mewajibkan semua produk makanan menyatakan kandungan kalori.
37. PR-1313-L57174  
**Dato' Dr. Tan Kee Kwong [ Wangsa Maju ]** minta **MENTERI WILAYAH PERSEKUTUAN** menyatakan apakah wujud penambahbaikan jalan di Jalan Mahameru.
38. PR-1313-L57466  
**Tuan Shamsul Iskandar bin Mohd Akin [ Bukit Katil ]** minta **MENTERI KEWANGAN** menyatakan:-
- (a) tentang laporan Bank of America Merrill Lynch yang menyatakan bahawa hutang Kerajaan Malaysia telah meningkat kepada 53.8 peratus pada penggal pertama 2013, seterusnya meningkat kepada 54.6 peratus daripada KDNK pada penggal kedua 2013; dan
  - (b) kedudukan hutang negara terkini selepas belanjawan tambahan dibentangkan.
39. PR-1313-L58397  
**Tuan Fong Kui Lun [ Bukit Bintang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan penerima bantuan kebajikan setiap kategori di Kuala Lumpur dan bilangan pemohon yang ditolak dan sebab-sebabnya serta cadangan untuk menaikkan kadar bantuan bagi menampung kos sara hidup yang tinggi.
40. PR-1313-L58872  
**Datuk Haji Datu Nasrun bin Datu Mansur [ Silam ]** minta **MENTERI PENDIDIKAN** menyatakan berapakah jumlah kadar buta huruf di setiap negeri di Malaysia pada tahun 2013 serta melalui Pelan Pembangunan Pendidikan Malaysia, apakah perancangan pihak Kerajaan dalam memastikan pelajar golongan Orang Kurang Upaya (OKU) turut terlibat sama dalam menjayakan Visi dan Misi Pelan Pembangunan Pendidikan Malaysia 2013-2025.
41. PR-1313-L58320  
**Tuan Wong Sze Phin @ Jimmy [ Kota Kinabalu ]** minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah isi rumah yang masih berada dalam kadar miskin dan miskin tegar di Sabah. Apakah angka pecahan mengikut kaum-kaum isi rumah tersebut. Berapa jumlah wang kebajikan (*welfare aids*) yang telah disalurkan untuk golongan itu masing-masing dalam tempoh lima tahun bermula 2009 sampai (September) 2013.

42. PR-1313-L58798  
**Tuan Liang Teck Meng [ Simpang Renggam ]** minta **MENTERI KEWANGAN** menyatakan adakah Kementerian berhasrat untuk mengurangkan hari jualan loteri seperti Toto, Damachai, Magnum dan sebagainya dan apakah usaha-usaha Kerajaan dalam menasihati rakyat supaya tidak ketagih dan membazirkan wang dalam aktiviti perjudian.
43. PR-1313-L58855  
**Tuan V. Sivakumar [ Batu Gajah ]** minta **MENTERI PELANCONGAN DAN KEBUDAYAAN** menyatakan program-program promosi pelancongan yang dirancang untuk kawasan Parlimen Batu Gajah. Berapa jumlah peruntukan kewangan disediakan untuk tujuan ini.
44. PR-1313-L58595  
**Tuan Mohamed Hanipa bin Maidin [ Sepang ]** minta **MENTERI KESIHATAN** menyatakan adakah Kerajaan bersedia menyediakan klinik bergerak secara berkala di beberapa kawasan yang didiami Orang Asli di Sepang yang tinggal berjauhan dari kawasan penempatan orang ramai seperti di kampung.
45. PR-1313-L57918  
**Tuan Gooi Hsiao-Leung [ Alor Setar ]** minta **MENTERI KOMUNIKASI DAN MULTIMEDIA** menyatakan sama ada Kerajaan akan memberi wang untuk membuat filem cerita Chin Peng memandangkan Menteri berkenaan telah memberi kenyataan untuk membiayai lebih banyak filem seperti Tanda Putera.
46. PR-1313-L57859  
**Dato' Othman bin Aziz [ Jerlun ]** minta **MENTERI DALAM NEGERI** menyatakan apakah kapasiti penjara dalam negara ini mampu mengisi bilangan banduan. Adakah Kerajaan bersedia dengan kapasiti yang cukup setelah pelbagai langkah penguatkuasaan dijalankan oleh pihak berkuasa undang-undang.
47. PR-1313-L57383  
**Tuan R. Sivarasa [ Subang ]** minta **MENTERI PERTANIAN DAN INDUSTRI ASAS TANI** menyatakan jumlah tanah Kerajaan yang berpotensi untuk projek pertanian dan juga usaha dalam memajukan tanah tersebut dan terbiar seluas 200,000 hektar milik persendirian di seluruh negara yang juga berpotensi untuk projek pertanian.
48. PR-1313-L58897  
**Tuan Ahmad Marzuk bin Shaary [ Bachok ]** minta **MENTERI KOMUNIKASI DAN MULTIMEDIA** menyatakan jumlah kampung terlibat dan jumlah pengguna yang telah berdaftar menggunakan perkhidmatan Kampung Tanpa Wayar Internet 1 Malaysia. Apakah jenis-jenis laman web yang disekat dan apakah alasan Kerajaan membuat sekatan terhadap laman web Harakahdaily daripada capaian pengguna perkhidmatan Kampung Tanpa Wayar Internet 1Malaysia.

49. PR-1313-L58770  
**Dr. Mohd Hatta bin Md. Ramli [ Kuala Krai ]** minta **MENTERI KEWANGAN** menyatakan:-
- (a) adakah Kerajaan bercadang untuk menarik balik seluruh subsidi bahan bakar yang berbaki dan bila akan dilakukan; dan
  - (b) pihak manakah yang menentukan harga di pam bagi RON97 dan apakah formula pengiraannya.
50. PR-1313-L57343  
**Tuan William @ Nyallau anak Badak [ Lubok Antu ]** minta **MENTERI DALAM NEGERI** menyatakan berapakah jumlah penduduk yang memiliki sijil lewat kelahiran yang telah diluluskan dengan status kerakyatan yang tidak dapat ditentukan serta apakah manfaat sijil lewat kelahiran kepada pemilik sijil tersebut sekiranya mereka masih belum mendapat status kewarganegaraan yang sah.
51. PR-1313-L58573  
**Dato' Kamarudin bin Jaffar [ Tumpat ]** minta **PERDANA MENTERI** menyatakan sama ada Kerajaan bercadang mewujudkan Jawatankuasa Pilihan Parlimen untuk Ahli Parlimen membincang dengan lebih mendalam isu-isu penting seperti dasar luar negara, dasar ekonomi, dan perpaduan negara.
52. PR-1313-L58891  
**Tuan Anuar bin Abd. Manap [ Sekijang ]** minta **MENTERI PENGANGKUTAN** menyatakan:-
- (a) apakah statistik kemalangan kapal di perairan Malaysia dari tahun 2010-2013; dan
  - (b) siapakah yang mengawal selia kemalangan dan kes tumpahan minyak yang berlaku akibat kemalangan kapal tersebut.



### **ATURAN URUSAN MESYUARAT DAN USUL-USUL**

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

#### **Dalam Jawatankuasa Sebuah-buah Majlis (19 November, 2013)**

- |    |                |   |                               |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013  | <b>Bacaan Kali Yang Kedua</b> |
|    |                | <b>[ Menteri Kewangan ]</b>   |                               |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “                             |
|    |                | <b>[ Menteri Dalam Negeri ]</b>   |                               |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013                               | “                             |
|    |                | <b>[ Menteri Kewangan ]</b>   |                               |
| 5. | (D.R. 17/2013) | Rang Undang-undang Loteri (Pindaan) 2013  | “                             |
|    |                | <b>[ Menteri Kewangan ]</b>   |                               |
| 6. | (D.R. 18/2013) | Rang Undang-undang Pertaruhan Pool (Pindaan) 2013                                       | “                             |
|    |                | <b>[ Menteri Kewangan ]</b>   |                               |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

**[ Menteri di Jabatan Perdana Menteri ]**

8. (D.R. 10/2013) Rang Undang-undang Kanun Tatacara Jenayah (Pindaan) 2013 “

**[ Menteri di Jabatan Perdana Menteri ]**

9. (D.R. 12/2013) Rang Undang-undang Keterangan (Pindaan) 2013 “

**[ Menteri di Jabatan Perdana Menteri ]**

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

**[ Menteri Pelancongan dan Kebudayaan ]**

11. (D.R. 20/2013) Rang Undang-Undang Dadah Berbahaya (Pindaan) 2013 “

**[ Menteri Kesihatan ]**

12. PR-1313-U58205

**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

13. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

14. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

15. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

16. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

17. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

18. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

19. PR-1313-U59119

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

**(Menteri Kesejahteraan Bandar, Perumahan dan Kerajaan Tempatan)**

20. PR-1313-U59120

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

**( Menteri Pengangkutan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2013</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.62	Laporan Tahunan dan Penyata Kewangan Majlis Sukan Negara Bagi Tahun 2012.	20 November 2013